

四庫全書

史部

欽定四庫全書

皇朝文獻通考卷二百七十六

輿地考

八

安徽省

臣等謹按禹畫揚州而當時塗山之會執玉帛者  
萬國杜預以為在壽春東北實為鳳陽府境則今  
上江之地為當時揚州之都會可知已夫安徽界  
荆吳之交統馭千有餘里其富庶亞於江蘇而江

山阨塞形勢險固幾欲過之自春秋之世吳楚爭  
鍾離居巢州來皆為今廬州鳳陽境地漢代去古  
未遠而揚州刺史實見治於歷陽降及三國六朝  
若曹魏之合肥壽春孫吳之濡須牛渚終南北朝  
並為要地元代以安廬等地屬淮西道而下江之  
淮揚等地別屬淮東以徽寧等地屬江東道而下  
江之蘇松等地別屬江南隱然各為一都會蓋大  
江左右獨闕隩區其山川之複沓疆域之糾錯居

東南輳輳之會而鈴轄阻深不盡如江蘇所隸廣  
谷長川平疇巨浸號稱澤國也地險民聚自昔而  
然我

朝休養生息編戶日衆而政務益繁爰於康熙六年  
與江蘇分疆而治於是東連姑孰西盡皖江北抵  
潁川南環歙嶺星羅碁布控制得宜屹然為上游  
之重鎮矣

安徽明直隸南京又以鳳陽府為中都共領府十

四州四其安慶徽州寧國池州太平廬州鳳陽七府滁和廣德三州為今上江地

本朝初設江南布政使司按察使司駐江寧府以操江兼巡撫事駐安慶府轄安慶徽州寧國池州太平五府滁和廣德三州其鳳陽廬州二府與淮安揚州等府及徐州別為一巡撫順治五年設總督駐江寧府六年以漕運總督兼巡撫事轄鳳廬等府十六年仍置鳳廬巡撫十八年與江蘇以左

右布政使司分治此為左布政所轄仍寄治江寧  
康熙元年以操江併於總督專設安徽巡撫三年  
與江蘇各分按察使司駐安慶五年裁鳳廬巡撫  
以鳳陽廬州二府歸併安徽巡撫管轄六年停左  
右布政之名分為安徽布政使司雍正二年升鳳  
陽府之潁亳泗三州廬州府之六安州並為直隸  
州十三年升潁州為府仍改亳州為屬州乾隆二  
十五年以安徽布政使司自江寧還治安慶凡領

府八直隸州五東西距七百六十里南北距一千一百八十里東至江蘇鎮江府溧陽縣界四百六十里西至湖北黃州府蘄州界三百里南至江西九江府彭澤縣界三百十里北至江蘇徐州府睢寧縣界八百七十里東南至浙江嚴州府淳安縣界七百九十五里西南至湖北黃州府黃梅縣界三百四十里東北至江蘇江寧府江浦縣界五百十里西北至河南歸德府商邱縣界七百八十里

在

京師南二千七百里

安慶府為省治東西距四百五十里南北距二百七十五里東至廬州府無為州界一百五十里西至湖北黃州府蘄州界三百里南至池州府東流縣界九十五里北至廬州府舒城縣界一百八十里東南至池州府東流縣界一百二十里西南至江西九江府治四十里東北至無為州治三百



二十里西北至六安州界二百八十里自府治至  
京師二千七百里明洪武初安慶府直隸南京

本朝初屬江南省後分為安徽省此為安徽巡撫及  
布政按察兩司治凡領縣六

懷寧縣

附郭

桐城縣

在府東北一百二十里

潛山縣

在府西北一百二十里

太湖縣

在府西北一百二十里

宿松縣

在府西南二百六十里

望江縣

在府西南一百二十里

徽州府在省治東南五百七十里東西距三百九十里南北距二百二十里東至浙江杭州府昌化縣界一百二十里西至江西饒州府浮梁縣界二百七十里南至浙江嚴州府遂安縣界一百里北至寧國府太平縣界一百二十里東南至嚴州府淳安縣界一百十里西南至饒州府樂平縣界二

百七十里東北至寧國府寧國縣界一百五十里

西北至池州府石埭縣界一百六十里自府治至

京師二千八百五十里明初徽州府直隸南京

本朝初屬江南省後分屬安徽省凡領縣六

歙縣

附郭

休寧縣

在府西六十里

婺源縣

在府西南二百四十里

祁門縣

在府西一百八十里

黟縣

在府西北一百四十里

績溪縣

在府東北六十里

寧國府在省治東四百三十里東西距二百二十里南北距三百三十五里東至廣德州建平縣界六十里西至池州府銅陵縣界一百六十里南至徽州府績溪縣界二百十五里北至太平府當塗縣界一百二十里東南至浙江杭州府於潛縣界二百二十里西南至池州府石埭縣界三百里東

北至江蘇江寧府高淳縣界七十里西北至太平府繁昌縣治一百三十里自府治至

京師二千七百四十五里明寧國府直隸南京

本朝初屬江南省後分屬安徽省凡領縣六

宣城縣

附郭

涇縣

在府南一百里

南陵縣

在府西九十里

寧國縣

在府東南九十里

旌德縣

在府南二百二十里

太平縣

在府西南二百二十里

池州府在省治東少北一百二十里東西距三百

七十里南北距二百三十五里東至寧國府南陵

縣界一百五十里西至安慶府望江縣界二百二

十里南至徽州府祁門縣界二百二十里北至安

慶府桐城縣界十五里東南至寧國府太平縣界

二百里西南至江西九江府彭澤縣界二百里東

北至太平府繁昌縣界二百里西北至安慶府懷  
寧縣治一百二十里自府治至

京師二千八百里明池州府直隸南京

本朝初屬江南省後分屬安徽省凡領縣六

貴池縣

附郭

青陽縣

在府東  
八十里

銅陵縣

在府東北一  
百二十里

石埭縣

在府東南一  
百六十里

建德縣

在府西南一百八十里

東流縣

在府西少南一百八十里

太平府在省治東北四百九十里東西距九十里  
南北距二百十里東至江蘇江寧府溧水縣界八  
十里西至和州界十里南至寧國府南陵縣界一  
百六十里北至江寧府江寧縣界五十里東南至  
寧國府治一百八十里西南至池州府銅陵縣界  
一百六十里東北至江寧府治一百里西北至和



州治九十里自府治至

京師二千四百六十五里明太平府直隸南京

本朝初屬江南省後分屬安徽省凡領縣三

當塗縣

附郭

蕪湖縣

在府西南六十里

繁昌縣

在府西南一百三十里

廬州府在省治北四百六十里東西距三百十里

南北距三百六十里東至和州含山縣界一百九

十里西至六安州界一百二十里南至安慶府桐  
城縣界二百四十里北至鳳陽府定遠縣界一百  
二十里東南至和州治三百里西南至湖北黃州  
府治八百里東北至滁州治二百八十里西北至  
鳳陽府壽州治一百八十里自府治至

京師二千四百六十里明初於廬州置江淮行省尋  
改廬州府直隸南京共領州二縣六

本朝初屬江南省後分屬安徽省雍正二年升六安

州為直隸州以英山霍山往屬凡領州一縣四

合肥縣

附郭

廬江縣

在府南一百六十里

舒城縣

在府西南一百二十里

無為州

在府東南二百六十里

巢縣

在府東一百八十里

鳳陽府在省治北六百七十里東西距四百二十

八里南北距四百七十三里東至泗州盱眙縣界

一百八十里西至潁州府潁上縣界二百四十八里南至廬州府合肥縣界一百五十里北至江蘇徐州府蕭縣界三百二十三里東南至滁州治二百二十里西南至六安州界三百三十里東北至徐州府睢寧縣界二百四十里西北至河南歸德府治五百五十里自府治至

京師一千九百八十五里明初改濠州為臨濠府洪武二年以臨濠為中都六年改為中立府七年改

為鳳陽府始自東北境遷於今治直隸南京以壽  
宿等州為屬州凡領州五縣十三

本朝初屬江南省後分屬安徽省雍正二年升潁州  
亳州泗州俱為直隸州以潁上霍邱二縣屬潁州  
太和蒙城二縣屬亳州盱眙天長五河三縣屬泗  
州十一年增置鳳臺縣乾隆十九年省臨淮縣入  
鳳陽縣四十二年省虹縣入泗州凡領州二縣五  
鳳陽縣

附郭乾隆十九年  
以臨淮縣省入

懷遠縣

在府西北七十里

定遠縣

在府南九十里

壽州

在府西北一百八十里

鳳臺縣

在府西南一百八十里雍正十一年析壽州地置縣與壽州同城治東北境

宿州

在府西北二百三十里

靈璧縣

在府西北一百八十里

臣等謹按鳳陽府之宿州與靈璧懷遠二縣及泗州之五河縣潁州府之阜陽潁上太和蒙城四縣

與亳州並在淮水以北為古徐豫二州之交禹貢  
於徐州不言西界於豫州不言東界說者以為當  
在淮濟之間今自壽州越淮而北若懷遠蒙城二  
縣宿亳二州又北入山東之魚臺單縣皆古徐豫  
分界處也

潁州府在省治西北八百四十里東西距二百八  
十五里南北距三百五十里東至鳳陽府壽州界  
一百六十五里西至河南陳州府沈邱縣界一百

二十里南至河南光州固始縣界一百二十里北  
至河南歸德府商邱縣界二百三十里東南至六  
安州界二百八十里西南至河南汝寧府新蔡縣  
界一百二十里東北至鳳陽府宿州界二百六十  
里西北至歸德府鹿邑縣治一百五十里自府治  
至

京師一千八百二十里明為潁州屬鳳陽府

本朝初因之雍正二年升潁州亳州並為直隸州以



潁上霍邱二縣屬潁州太和蒙城二縣屬亳州十三年升潁州為府增置阜陽縣以亳州及所領二縣來屬凡領州一縣五

阜陽縣

附郭雍正十三年升州為府以州地置縣為府治

潁上縣

在府東南一百二十里初屬鳳陽府雍正二年分屬潁州十三年屬府

霍邱縣

在府東南一百九十里初屬鳳陽府雍正二年分屬潁州十三年屬府

亳州

在府北一百八十里初屬鳳陽府雍正二年升為直隸州十三年改屬潁州府

太和縣

在府西北八十里初屬鳳陽府雍正二年分屬亳州十三年改屬潁州府

蒙城縣

在府東北一百八十里初屬鳳陽府雍正二年分屬亳州十三年改屬潁州府

滁州在省治東北六百五十里東西距一百九十里南北距三百七十里東至江蘇江寧府六合縣界一百二十里西至鳳陽府定遠縣界七十里南至和州界一百八十里北至泗州盱眙縣界一百九十里東南至江寧府江浦縣界五十里西南至廬州府合肥縣界一百八十里東北至泗州天長縣界一百五十里西北至定遠縣治一百五十里

本州境東西距一百二十里南北距二百里東界  
六合縣西界定遠縣南界全椒縣北界盱眙縣自  
州治至

京師二千二百五里明初省州治清流縣入州屬鳳  
陽府後直隸南京

本朝初屬江南省後分屬安徽省領縣二

全椒縣

在州南五十里

來安縣

在州東北四十里

和州在省治東北四百六十里東西距一百八十  
里南北距二百里東至江蘇江寧府江浦縣界六  
十里西至廬州府巢縣界一百二十里南至廬州  
府無為州界九十里北至滁州全椒縣界一百十  
里東南至太平府當塗縣界六十里西南至無為  
州治一百五十里東北至江浦縣治一百里西北  
至廬州府合肥縣治二百八十里本州境東西距  
九十里南北距一百五十里東界江浦縣南界無

為州西北俱界含山縣自州治至

京師二千二百八十里明初省州治歷陽縣入州屬  
廬州府洪武三年廢州為歷陽縣尋復為和州直  
隸南京

本朝初屬江南省後分屬安徽省領縣一

含山縣

在州西  
六十里

廣德州在省治東六百二十五里東西距一百三  
十里南北距一百三十里東至浙江湖州府長興

縣界三十里西至寧國府宣城縣界一百里南至  
浙江湖州府孝豐縣界六十里北至江蘇鎮江府  
溧陽縣界七十里東南至長興縣界五十里西南  
至寧國府寧國縣界一百十里東北至江蘇常州  
府宜興縣界七十里西北至江蘇江寧府高淳縣  
界一百三十里本州境東西距七十里南北距一  
百三十里東界長興縣西界建平縣南界孝豐縣  
北界溧陽縣自州治至

京師二千七百八十里明初為廣德府改縣為廣陽  
洪武四年降府為州十三年省州治廣德縣入州  
直隸南京

本朝初屬江南省後分屬安徽省領縣一

建平縣

在州西北  
九十里

六安州在省治西北四百四十里東西距二百十  
里南北距二百四十里東至廬州府合肥縣界五  
十里西至河南汝寧府固始縣界一百六十里南

至安慶府潛山縣界一百八十里北至鳳陽府壽  
州界六十里東南至廬州府舒城縣界九十里西  
南至湖北黃州府蘄水縣界四百里東北至合肥  
縣界六十里西北至潁州府霍邱縣治一百三十  
里本州境東西距二百十里南北距二百四十里  
東界合肥縣西界固始縣南界潛山縣北界壽州  
自州治至

京師二千九百五十里明洪武初省州治六安縣入



州屬鳳陽府十五年改屬廬州府

本朝初因之雍正二年升為直隸州以英山霍山縣

來屬凡領縣二

英山縣

在州西南三百六十里初屬廬州府雍正二年分屬六安州

霍山縣

在州西南九里初屬廬州府雍正二年分屬六安州

泗州在省治東北八百八十里東西距二百六十

里南北距二百七十一里東至江蘇淮安府清河

縣界四十里西至鳳陽府鳳陽縣界二百二十里

南至滁州來安縣界一百二十一里北至淮安府  
桃源徐州府宿遷二縣界一百五十里東南至江  
蘇揚州府江都縣界二百二十里西南至滁州治  
一百九十里東北至桃源縣治一百九十里西北  
至鳳陽府虹縣界一百八十里本州境東西距一  
百六十里南北距一百五十六里東界清河縣西  
界五河縣南界盱眙縣北界宿遷縣自州治至  
京師二千一百九十九里明初省州治臨淮縣入州

改屬鳳陽府

本朝初因之康熙十三年以後泗州淪于洪澤湖寄  
治盱眙雍正二年升為直隸州以盱眙天長五河  
縣來屬乾隆四十二年省鳳陽府屬之虹縣入州  
為州治凡領縣三

盱眙縣

在州南一里初屬鳳陽  
府雍正二年分屬泗州

天長縣

在州東南一百五十七里初屬  
鳳陽府雍正二年分屬泗州

五河縣

在州西一百三十里初屬鳳  
陽府雍正二年分屬泗州



皇朝文獻通考卷二百七十六

欽定四庫全書

皇朝文獻通考卷二百七十七

輿地考九

江西省

臣等謹按禹貢揚州一則曰彭蠡既豬再則曰三江既入而於導漢又曰東滙澤為彭蠡於導江又曰東迤北會於滙鄭康成謂左合漢為北江右合彭蠡為南江岷江居中為中江蓋惟揚州之地江

漢為彭蠡參會故有三江之目然則今之江西固  
三江之衝而禹畫揚州時所首先致力之地也夫  
揚境以淮海為界江水實中貫其間而豫章全地  
並在大江以南與上下江之兼控江北者形勢又  
自各異故自古所稱江西多指江北地言之三國  
志以蘄春廣陵之境為江西則今自湖北蘄州歷  
安徽境以達於揚州府是也晉書以合肥壽春之  
境為江西所謂江西五郡者則今廬州諸府是也

自唐開元時分江南為東西二道其後遂以江南  
西道節度為江西節度江西之名所自昉歟若夫  
處吳楚閩粵之交北以長江為巨防而南又以五  
嶺為門戶山川之險無而有之前代以南贛之區  
界隣嶺表別設巡撫都御史與南昌諸郡分閫而  
理自入

本朝以來四境承平遂罷南贛巡撫之設蓋十三府  
之建置沿革雖畧存元明之舊而提封寧謐物阜



民康則固我

朝之所獨也

江西明江西等處承宣布政使司治南昌府領南  
昌饒州廣信南康九江建昌撫州臨江瑞州袁州  
吉安南安贛州十三府又置江西都指揮使司領  
南昌等四衛及吉安等十一守禦千戶所

本朝初因之設江西巡撫及布政使司按察使司皆  
駐南昌轄南昌等十一府又設南贛巡撫駐贛州

轄南安贛州二府與江南共一總督順治九年設  
江西總督亦駐南昌康熙四年裁南贛巡撫歸併  
江西巡撫又裁江西總督十三年復設總督二十  
一年仍裁江西總督歸併江南總督乾隆十九年  
升贛州府屬寧都州為直隸州凡領府十三州一  
各衛所俱專司漕運不治民事東西距九百七十  
里南北距一千八百里東至安徽徽州府婺源縣  
界六百里西至湖南長沙府瀏陽縣界三百七十

里南至廣東惠州府和平縣界一千二百三十里  
北至湖北黃州府界五百七十里東南至福建建  
寧府崇安縣界五百八十里西南至湖南郴州宜  
章縣界九百五十里東北至安徽池州府東流縣  
界五百六十里西北至湖北武昌府興國州界五  
百七十里在

京師西南四千八百五十里

南昌府為省治東西距三百八十里南北距四百

十里東至饒州府餘干縣界一百四十里西至瑞  
州府新昌縣界二百四十里南至撫州府樂安縣  
界二百三十里北至南康府星子縣界一百八十  
里東南至撫州府治二百里西南至瑞州府治一  
百二十里東北至南康府都昌縣治二百六十里  
西北至湖北武昌府通山縣界五百里自府治至  
京師四千八百五十里明初洪都府尋改為南昌府  
本朝因之領州一縣七

南昌縣

附郭治府東南境

新建縣

附郭治府西北境

豐城縣

在府南少西一百二十里

進賢縣

在府東南一百十里

奉新縣

在府西一百二十里

靖安縣

在府西一百六十里

武寧縣

在府西北三百八十里

寧州

在府西北三百五十里

饒州府在省治東北三百里東西距五百三十里  
南北距三百七十里東至浙江衢州府開化縣界  
三百七十里西至南康府都昌縣界一百六十里  
南至撫州府臨川縣界二百里北至安徽池州府  
建德縣界一百七十里東南至廣信府治四百五  
十里西南至南昌府治三百里東北至安徽徽州  
府治六百里西北至九江府彭澤縣治三百二十  
里自府治至

京師五千二十里明初為鄱陽府尋改為饒州府  
本朝因之領縣七

鄱陽縣

附郭

餘干縣

在府南少西一百二十里

樂平縣

在府東一百二十里

浮梁縣

在府東北一百八十里

德興縣

在府東二百四十里

安仁縣

在府南少東二百十里

萬年縣

在府東南一百二十里

廣信府在省治東南六百里東西距三百五十里  
南北距二百五十里東至浙江衢州府常山縣界  
一百三十里西至饒州府安仁縣界二百二十里  
南至福建建寧府崇安縣界一百二十里北至饒  
州府德興縣界一百三十里東南至建寧府浦城  
縣界一百五十里西南至建昌府瀘溪縣界二百  
五十里東北至衢州府開化縣界二百十里西北



至饒州府萬年縣界二百六十里自府治至

京師五千七百五十五里明為廣信府

本朝因之領縣七

上饒縣

附郭

玉山縣

在府東北一百里

弋陽縣

在府西一百二十里

貴溪縣

在府西一百九十里

鉛山縣

在府西南八十里

廣豐縣

在府東南四十五里舊永豐縣雍正九年改名廣豐

興安縣

在府西北八十五里

南康府在省治北二百四十里東西距二百十里  
南北距一百十里東至饒州府鄱陽縣界一百六十里  
西至九江府德安縣界五十里南至南昌府  
新建縣界六十里北至九江府德化縣界五十里  
東南至饒州府治二百五十里西南至南昌府奉  
新縣治二百六十里東北至九江府彭澤縣治二

百五十里西北至九江府瑞昌縣治一百二十里  
自府治至

京師四千六百七十五里明初改西寧府尋改為南  
康府

本朝因之領縣四

星子縣

附郭

都昌縣

在府東  
八十里

建昌縣

在府西南一  
百二十里

安義縣

在府西南  
二百里

九江府在省治北三百二十里東西距三百四十  
里南北距一百十里東至安徽池州府東流縣界  
二百里西至湖北武昌府興國州界一百四十里  
南至南康府星子縣界九十里北至湖北黃州府  
黃梅縣界二十里東南至饒州府治四百三十里  
西南至南昌府武寧縣治二百三十里東北至安  
徽安慶府宿松縣界一百四十里西北至黃州府

蘄州縣治二百二十里自府治至

京師四千六百里明為九江府

本朝因之領縣五

德化縣

附郭

德安縣

在府西南一百二十里

瑞昌縣

在府西九十里

湖口縣

在府東六十里

彭澤縣

在府東少北一百四十里

建昌府在省治東南四百里東西距二百二十里  
南北距三百八十里東至福建邵武府光澤縣界  
一百八十里西至撫州府宣黃縣界四十里南至  
贛州府石城縣界三百四十里北至撫州府臨川  
縣界四十里東南至邵武府泰寧縣治二百三十  
里西南至贛州府寧都縣治三百六十里東北至  
撫州府金谿縣治一百十里西北至撫州府治一  
百五十里自府治至

京師五千四百八十五里明初為肇昌府尋改為建

昌府

本朝因之領縣五

南城縣

附郭

新城縣

在府東南九十里

南豐縣

在府南少西一百二十里

廣昌縣

在府西南二百四十里

瀘溪縣

在府東一百五十里

撫州府在省治南二百里東西距三百七十里南  
北距一百五十里東至饒州府安仁縣界一百二  
十里西至臨江府新淦縣界二百五十里南至建  
昌府南城縣界九十里北至南昌府進賢縣界六  
十里東南至建昌府瀘溪縣治一百十里西南至  
吉安府治四百五十里東北至饒州府治四百二  
十里西北至南昌府治二百四十里自府治至  
京師五千四百八十五里明為撫州府



本朝因之領縣六

臨川縣

附郭

崇仁縣

在府西一百里

金谿縣

在府東南八十里

宜黃縣

在府西南一百二十里

樂安縣

在府西南二百四十里

東鄉縣

在府東八十里

臨江府在省治西南二百二十里東西距二百三

十里南北距二百里東至南昌府豐城縣界八十  
里西至袁州府分宜縣界一百五十里南至吉安  
府吉水縣界一百七十里北至瑞州府高安縣界  
三十里東南至撫州府樂安縣治二百里西南至  
吉安府廬陵縣界一百九十里東北至豐城縣治  
一百里西北至瑞州府上高縣界七十里自府治  
至

京師五千二百三十五里明為臨江府

本朝因之領縣四

清江縣

附郭

新淦縣

在府東南六十五里

新喻縣

在府西南一百二十里

峽江縣

在府南一百三十里

瑞州府在省治西南一百二十里東西距二百三

十五里南北距九十五里東至南昌府新建縣界

五十五里西至袁州府萬載縣界一百八十里南

至臨江府清江縣界六十里北至南昌府奉新縣  
界三十五里東南至南昌府豐城縣治九十五里  
西南至袁州府分宜縣治二百四十里東南至南  
康府建昌縣治二百里西北至南昌府寧州界二  
百二十里自府治至

京師四千九百六十五里明為瑞州府

本朝因之領縣三

高安縣

附郭

上高縣

在府西南一百里

新昌縣

在府西一百二十里

袁州府在省治西少南四百里東西距二百九十

里南北距二百十里東至臨江府新喻縣界一百

里西至湖南長沙府醴陵縣界一百九十里南至

吉安府安福縣界六十里北至瑞州府新昌縣界

一百五十里東南至吉安府治二百四十里西南

至長沙府攸縣界二百五十里東北至瑞州府上

高縣治二百里西北至長沙府瀏陽縣治二百八  
十里自府治至

京師六千七十五里明為袁州府

本朝因之領縣四

宜春縣

附郭

分宜縣

在府東  
八十里

萍鄉縣

在府西一  
百四十里

萬載縣

在府北  
九十里

吉安府在省治南五百二十里東西距五百里南  
北距三百九十里東至撫州府樂安縣界二百里  
西至湖南長沙府攸縣界三百里南至贛州府贛  
縣界二百八十里北至臨江府新喻縣界一百十  
里東南至贛州府寧都縣界三百里西南至湖南  
郴州桂東縣界三百七十里東北至臨江府峽江  
縣界三百七十里西北至袁州府治二百七十里  
自府治至

京師五千三百七十里明為吉安府

本朝因之乾隆八年以同知分治蓮花橋地方為蓮

花廳凡領縣九廳一

廬陵縣

附郭

泰和縣

在府南少西八十里

吉水縣

在府東北四十五里

永豐縣

在府東一百三十里

安福縣

在府西少北一百二十里



龍泉縣

在府西南二百五十里

萬安縣

在府南一百八十里

永新縣

在府西南二百二十里

永寧縣

在府西南二百八十里

蓮花廳

在府西南二百五十里本永新縣地本  
朝雍正六年移同知駐此乾隆八年以蓮

花橋地方離縣遠定以同知專理民  
事並析永新及安福縣附近地方來屬

南安府在省治西南一千二百里東西距三百六

十六里南北距三百五里東至贛州府贛縣界一

百八十里西至廣東韶州府仁化縣界一百八十里南至廣東南雄府保昌縣界二十五里北至吉安府龍泉縣界二百八十里東南至贛州府信豐縣治二百里西南至韶州府治三百八十里東北至吉安府治六百二十里西北至湖南郴州治三百里自府治至

京師六千六百七十五里明為南安府

本朝因之領縣四

大庾縣

附郭

南康縣

在府東北一百三十里

上猶縣

在府東北一百八十里

崇義縣

在府西北一百二十里

贛州府在省治西南一千二百里東西距二百十

里南北距五百六十里東至寧都州瑞金縣界一

百八十里西至南安府南康縣界三十里南至廣

東惠州府連平州界四百三十里北至吉安府萬

安縣界一百三十里東南至廣東潮州府平遠縣  
界六百里西南至廣東韶州府翁源縣界四百七  
十里東北至建昌府廣昌縣界四百八十里西北  
至吉安府龍泉縣治二百九十里自府治至

京師五千六百七十里明為贛州府領縣十二

本朝初因之乾隆十九年升寧都縣為直隸州以瑞  
金石城二縣往屬三十八年改定南縣為同知廳  
凡領縣八廳一

贛縣

附郭

雩都縣

在府東一百五十里

信豐縣

在府南一百七十里

興國縣

在府東北一百六十里

會昌縣

在府東少南三百里

安遠縣

在府東南三百四十里

長寧縣

在府東南四百六十里

龍南縣

在府南三百二十里

定南廳

在府南四百里明隆慶元年析龍南及信豐安遠三縣地置縣本朝因之乾隆三

十八年改為廳以同知分駐

寧都州在省治南七百六十里東西距一百九十

里南北距四百六十五里東至福建汀州府寧化

縣界一百三十五里西至贛州府興國縣界五十

五里南至贛州府會昌縣界三百二十五里北至

撫州府樂安縣界一百四十里東南至福建汀州

府長汀縣界一百八十里西南至贛州府雩都縣

界一百七十里東北至建昌府廣昌縣界十里西  
北至吉安府永豐縣界一百九十里本州境東西  
距一百五十里南北距三百十里東界石城縣西  
界興國縣南界瑞金縣北界樂安縣自州治至  
京師四千六百四十里明為寧都縣

本朝初屬贛州府乾隆十九年升為直隸州以瑞金  
縣石城縣來屬凡領縣二

瑞金縣

在州南一百三十里初屬贛  
州乾隆十九年改屬寧都州

石城縣

在州東一百里初屬贛州府  
乾隆十九年分屬寧都州



皇朝文獻通考卷二百七十七

欽定四庫全書

皇朝文獻通考卷二百七十八

輿地考十

福建省

臣等謹按禹貢淮海維揚閩居海濱亦當為古揚州地然考其山川不見於經即貢篚亦不及焉蓋南境之荒徼也職方氏所列七閩鄭氏以為即蠻之別種漢雖隸會稽郡而建國閩越以封無諸則

亦羈縻之義居多後漢遷其民於江淮而虛其地  
三國以後漸設官分邑顧統馭雖廣而比之江淮  
間之因地制賦猶未一轍焉唐時隸嶺南道後改  
隸江南東道遙控之而已至宋禮教漸盛名臣大  
儒每出其間然其初僅附於兩浙西南路元為江  
西行省所轄曾不得專列為省其與各省並稱為  
都會者實始於明時我

朝承平日久戶口殷繁四民樂業其中縣復析縣而

縣升為州州升為府迥非前代之規模疆域猶是而分理者日增無他田野闢而民人聚也若夫瀛海以外臺灣遠島裒延千有餘里入我版圖亦皆郡縣而編籍之以為全省屏障蓋由

國家德威所播溟渤恬波所謂海隅日出罔不率俾者歟

福建明福建等處承宣布政使司治福州府領福州泉州建寧延平汀州興化邵武漳州八府後復

增直隸福寧州又置福建都指揮及行都指揮使  
司領福州等十六衛及將樂等守禦千戶所

本朝初因之設福浙總督駐福州府兼轄浙江設福  
建巡撫及布政使司按察使司皆駐福州順治十  
五年令總督專轄福建一省康熙二十三年仍為  
福浙總督又置臺灣府雍正五年總督停轄浙江  
十二年復為福浙總督又升福寧州為府升泉州  
府之永春縣漳州府之龍巖縣為直隸州凡領府

十直隸州二各衛所俱以次裁併入州縣東西距  
九百五十里南北距九百八十里東至海一百里  
西至江西贛州府瑞金縣界八百五十里南至海  
二百八十里北至浙江處州府龍泉縣界七百里  
東南至海二百八十里西南至廣東嘉應州鎮平  
縣界一千二百里東北至浙江溫州府平陽縣界  
五百十五里西北至浙江衢州府江山縣界八百  
二十五里在

京師南六千一百三十里

福州府為省治東西距三百九十里南北距六百三十里東至海一百九十里西至延平府尤溪縣界二百里南至興化府莆田縣界二百三十里北至建寧府政和縣界四百里東南至海二百八十里西南至泉州府德化縣治四百里東北至福寧府治五百四十五里西北至延平府治四百里自府治至

京師六千一百三十三里明為福州府領縣九

本朝初因之雍正十二年增置屏南縣凡領縣十

閩縣

附郭治  
府東境

侯官縣

附郭治  
府西境

長樂縣

在府東南  
一百里

福清縣

在府南少東一  
百三十五里

連江縣

在府東北  
九十五里

羅源縣

在府東北一  
百五十里



古田縣

在府西北二百七十里

屏南縣

在府西北三百四十里雍正十二年析古田縣地置縣

閩清縣

在府西北一百二十里

永福縣

在府西南一百六十里

興化府在省治南二百四十里東西距二百十里

南北距八十五里東至海九十里西至永春州界

一百二十里南至海四十里北至福州府福清縣

界四十五里東南至海一百里西南至泉州府惠

安縣界六十里東北至福清縣治二百里西北至  
永春州德化縣治二百里自府治至

京師六千四百有三里明為興化府

本朝因之領縣二

莆田縣

附郭

仙遊縣

在府西  
七十里

泉州府在省治西南四百里東西距二百八十  
里南北距二百三十三里東至海一百三十里西

至漳州府長泰縣一百五十里南至海一百三十里  
北至興化府仙遊縣界一百三十里東南至海八  
十三里西南至漳州府龍溪縣界一百四十里東  
北至仙遊縣界九十里西北至永春州界一百五  
里自府治至

京師七千二百五十五里明為泉州府領縣七

本朝初因之雍正十二年升永春縣為直隸州以德  
化縣往屬凡領縣五

晉江縣

附郭

南安縣

在府西少北十五里

惠安縣

在府東北五十里

同安縣

在府西南一百三十里

安溪縣

在府西一百五十里

延平府在省治西三百六十里東西距二百七十

五里南北距三百里東至建寧府建安縣界五十

里西至汀州府清流縣界二百二十五里南至福

州府古田縣界一百二十里北至邵武縣界一百  
八十里東南至古田縣界二百二十里西南至永  
春州德化縣界三百九十里東北至建寧府甌寧  
縣界一百三十里西北至汀州府歸化縣界二百  
六十里自府治至

京師五千二百九十三里明為延平府領縣七

本朝初因之雍正十二年以大田縣往屬永春州凡  
領縣六

南平縣

附郭

順昌縣

在府西少北一百二十里

將樂縣

在府西二百二十里

沙縣

在府西南一百二十里

尤溪縣

在府南一百六十里

永安縣

在府西南三百里

建寧府在省治西北四百八十里東西距四百九

十五里南北距四百三十里東至福寧府福安縣

界三百四十里西至邵武府邵武縣界一百五十  
五里南至延平府南平縣界八十里北至浙江衢  
州府江山縣界三百五十里東南至福州府古田  
縣界二百五十里西南至延平府順昌縣界一百  
十五里東北至浙江處州府龍泉縣界二百二十  
五里西北至江西廣信府鉛山縣界三百四十五  
里自府治至

京師五千七百五十五里明為建寧府領縣八

本朝初因之雍正十二年以壽寧縣往屬福寧府凡

領縣七

建安縣

附郭治府東南境

甌寧縣

附郭治府西北境

建陽縣

在府東一百二十里

崇安縣

在府西北一百四十里

浦城縣

在府東北一百七十里

松溪縣

在府東一百六十里



政和縣

在府東一百四十里

邵武府在省治西北六百七十里東西距二百六十里南北距一百八十里東至延平府順昌縣界一百二十里西至江西建昌府新城縣界一百四十里南至延平府將樂縣界一百十里北至建寧府建陽縣界七十里東南至將樂縣界一百四十里西南至汀州府寧化縣界三百四十里東北至建陽縣界六十里西北至新城縣界一百六十里

自府治至

京師五千七百五十七里明為邵武府

本朝因之領縣四

邵武縣

附郭

光澤縣

在府西北八十里

建寧縣

在府西南二百十里

泰寧縣

在府西南一百四十里

汀州府在省治西九百七十五里東西距三百里

南北距三百八十里東至延平府永安縣界二百四十里西至江西贛州府瑞金縣界六十里南至廣東潮州府大埔縣界二百十里北至江西建昌府廣昌縣界一百七十里東南至漳州府南靖縣界四百里西南至廣東嘉應州鎮平縣界三百四十里東北至邵武府泰寧縣界三百五十里西北至贛州府石城縣界二百里自府治至京師五千二百二十六里明為汀州府

本朝因之領縣八

長汀縣

附郭

寧化縣

在府東北一百六十里

清流縣

在府東北二百里

歸化縣

在府東北一百九十里

連城縣

在府東南一百六十里

上杭縣

在府南一百八十里

武平縣

在府西南一百五十里

永定縣

在府東南  
三百里

漳州府在省治西南六百八十里東西距二百七  
十里南北距二百九十里東至泉州府同安縣界  
七十里西至汀州府永定縣界二百里南至海一  
百八十里北至泉州府安溪縣界一百十里東南  
至海一百八十里西南至廣東饒州府饒平縣界  
二百八十里東北至同安縣界一百二十里西北  
至汀州府連城縣界四百里自府治至

京師七千五百二十五里明為漳州府領縣十

本朝初因之雍正十二年升龍巖縣為直隸州以漳

平寧洋二縣往屬凡領縣七

龍溪縣

附郭

漳浦縣

在府南一百二十里

海澄縣

在府東南五十里

南靖縣

在府西四十里

長泰縣

在府東北四十里

平和縣

在府西南  
二百五十里

詔安縣

在府西南二  
百五十里

福寧府在省治東北五百四十五里東西距三百  
六十里南北距二百七十里東至海二百里西至  
福州府古田縣界一百六十里南至海一百里北  
至浙江溫州府泰順縣界一百七十里東南至海  
一百里西南至福州府羅源縣界一百六十里東  
北至溫州府平陽縣界二百里西北至浙江處州

府慶元縣界二百九十里自府治至

京師七千二百里明成化九年為直隸州領縣二

本朝初因之雍正十二年升為府增置霞浦縣又以

建寧府之壽寧縣來屬乾隆三年增置福鼎縣凡

領縣五

霞浦縣

附郭雍正十九年升州為府以州地置縣為府治

福安縣

在府西北一百十里

寧德縣

在府西南一百十里



壽寧縣

在府西北一百六十里初屬建寧府雍正十二年改屬福寧府

福鼎縣

乾隆三年析霞浦縣桐山堡地置縣

臺灣府在省治東南大海中水程以一晝夜為十更凡十一更又五百四十里東西距一百餘里又至澎湖島水程四更南北距二千八百四十五里東至大山番界五十里西至澎湖島五十里南至沙馬磯頭海五百三十里北至雞籠城海二千三百十五里自府治至

京師七千餘里自古荒服之地不通中國名曰東番  
明天啟初日本國人屯聚於此鄭芝龍附之其後  
為紅毛荷蘭夷人所據

本朝順治十七年鄭芝龍子成功寇江南兵敗退至  
臺地逐荷蘭夷居之偽置承天府後至其孫鄭克  
塽於康熙二十二年討平之置臺灣府領縣三雍正  
元年年增置彰化縣凡領縣四

臺灣縣

附郭

本朝康熙二  
十三年置縣為府治

鳳山縣

在府南八十里 本朝康熙二十三年置縣

諸羅縣

在府北一百七十里 本朝康熙二十三年置縣

彰化縣

在府北三百九十七里 本朝雍正元年析諸羅縣北境地置縣

永春州在省治西南四百十里東西距三百八十

里南北距二百二十五里東至興化府仙遊縣界

八十里西至龍巖州漳平縣界三百里南至泉州

府南安縣界四十五里北至福州府永福縣界一

百八十里東南至南安縣界三十里西南至泉州

府安溪縣界三十里東北至永福縣界一百九十  
五里西北至延平府永安縣界四百十里本州境  
東西距七十五里南北距九十里東與南并界南  
安縣西界漳平縣北界德化縣自州治至

京師七千一百四十五里明永春縣屬泉州府

本朝初因之雍正十二年升為直隸永春州以泉州  
府之德化縣延平府之大田縣來屬凡領縣二

德化縣

在州北少西三十里初屬泉州府雍正十二年分屬永春州

大田縣

在州西北二百六十五里初屬延平府雍正十二年分屬永春州

龍巖州在省治西南九百里東西距二百六十里  
南北距二百九十里東至泉州府安溪縣界二百  
十里西至汀州府上杭縣界五十里南至漳州府  
南靖縣界九十里北至延平府永安縣界二百里  
東南至漳州府龍溪縣界二百二十里西南至汀  
州府永定縣治一百六十里東北至永春州界二  
百里西北至汀州府連城縣界一百里本州境東

西距一百三十里南北距一百九十里東與南並  
界南靖縣西界上杭縣北界連城縣自州治至

京師七千三百四十里明龍巖縣屬漳州府

本朝初因之雍正十二年升為直隸龍巖州以漳州  
府之漳平縣寧陽縣來屬凡領縣二

漳平縣

在州東七十里初屬漳州府  
雍正十二年分屬龍巖州

寧洋縣

在州東北七十里初屬漳州  
府雍正十二年分屬龍巖州

臣等謹按福州興化泉州延平建寧邵武汀州漳

州福寧九府永春龍巖二州皆漢時會稽郡治縣  
地惟漳州府之漳浦詔安二縣兼有南海郡揭陽  
縣地馬氏通考于南越部中列南海郡而於揚州  
部中但云南海郡東境是也福建全省之廣漢一  
治縣已十得其九大約當日海濱斥鹵生齒未繁  
統屬之治縣而已後世地闢人稠遞經開置至我  
朝御宇以來統臺灣計之且十府二州六十餘縣矣  
聖代生聚之盛亦即此可徵云





皇朝文獻通考卷二百七十八

欽定四庫全書

皇朝文獻通考卷二百七十九

輿地考十一

浙江省

臣等謹按周官職方以會稽為揚州山鎮漢代因之以立郡今之浙東浙西皆古會稽郡地也至東漢而分屬吳郡至吳而分吳興東陽臨海新都至晉而分永嘉至隋而分餘杭至唐而分餘姚信安

縉雲至宋而分嘉禾建置代殊繡壤交錯蓋十一  
郡之所從來漸矣禹貢揚州山水惟震澤實跨嘉  
湖之境若郭璞以錢唐為三江之一韋昭以浦陽  
為三江之一雖持論或有岐出要之其為揚州東  
南境固自昔然也總全浙之形勢北通三吳南引  
七閩而浙水實中絡其間唐時始分浙江東西二  
道自元以來遂以浙名省蓋江源發自歙縣至桐  
江合金華衢州之水曲折而東以歸於海是為由江

入海之次第海水自鼈子門入為諸山所束激而為濤逆流數百里至富春而始平是為由海入江之次第故浙水者實全省之鎖鑰也

聖朝軫念海疆勤求保障巨塘屹立永奏安瀾我皇上法駕所臨親殷相度審水壘之順逆籌沙土之盈虛伐石捷薪並承

睿略洵為萬世之利賴矣若夫濱海之地自嘉興以迄於溫州迢遞千有餘里入我

朝而定海置縣玉環設廳並在大海之中南北相望  
以拱衛全浙鹽筭亞於淮南桑麻比於吳會又

鄧治之規模度越乎前代者與浙江明浙江等處承宣  
布政使司治杭州府領杭州嘉興湖州寧波紹興  
台州金華衢州嚴州温州處州十一府又置浙江  
都指揮使司領杭州等十六衛湖州等五守禦千  
戶所

本朝初因之設福浙總督駐福州府兼轄浙江設巡

撫及布政使司按察使司皆駐杭州府順治十五年專設浙江總督亦駐杭州康熙八年裁九年復設二十三年仍併於福建總督為福浙總督雍正五年專設浙江總督兼管巡撫事十二年仍併福浙總督凡領府十一各衛所以次裁併入州縣其存者俱專司漕運不治民事東西距八百八十里南北距一千八十里東至海六百里西至江南徽州府界二百八十里南至福建建寧府界九百六

十里北至江南蘇州府界一百二十里東南至福建福寧府界一千一百三十里西南至江西廣信府界七百五十里東北至江南松江府界三百七十里西北至江南廣德州界三百二十里在

京師南三千三百里

杭州府為省治東西距一百九十五里南北距七十三里東至赭山海口六十里西至嚴州府桐廬縣界一百三十五里南至紹興府蕭山縣界二十

八里北至湖州府德清縣界四十五里東南至蕭  
山縣界二十八里西南至金華府浦江縣界三百  
四十里東北至嘉興府石門縣界一百二里西北  
至安徽寧國府寧國縣界二百八十里自府治至  
京師四千二百里明為杭州府

本朝初因之乾隆三十八年升海寧縣為州凡領州  
一縣八

錢唐縣

附郭治  
府西境



仁和縣

附郭治  
府東境

海寧州

在府東北一百七十里  
明海寧縣乾隆三十八年升為州

富陽縣

在府西南  
九十里

餘杭縣

在府西北  
七十里

臨安縣

在府西北  
一百里

於潛縣

在府西北  
一百七十里

新城縣

在府西南  
一百二十里

昌化縣

在府西  
一百二十里

嘉興府在省治東北一百八十里東西距一百五十里南北距一百里東至江蘇松江府婁縣界六十里西至湖州府歸安縣界九十里南至杭州府海寧縣界七十里北至江蘇蘇州府震澤縣界三十里東南至松江府金山縣界一百五里西南至杭州府仁和縣界一百里東北至婁縣界六十里西北至湖州府烏程縣界八十里自府治至

京師四十二里明為嘉興府初屬南直隸後改隸

浙江布政使司

本朝因之領縣七

嘉興縣

附郭治府  
東南境

秀水縣

附郭治府  
西北境

嘉善縣

在府東北  
三十六里

海鹽縣

在府南  
八十里

平湖縣

在府東南  
五十四里

石門縣

在府西南八十里舊崇德  
縣康熙元年改為石門縣

桐鄉縣

在府西南  
五十五里

湖州府在省治北少西一百八十里東西距一百  
八十二里南北距一百三十八里東至江蘇蘇州  
府震澤縣界七十二里西至安徽廣德州界一百  
十里南至杭州府仁和縣界一百二十里北至太  
湖十八里東南至嘉興府桐鄉縣界九十里西南  
至安徽寧國府寧國縣界二百四十里東北至蘇  
州府吳縣界六十四里西北至江蘇常州府宜興

縣界七十里自府治至

京師四千三百里明為湖州府初屬南直隸後改隸

浙江布政使司

本朝初因之乾隆三十八年改安吉州為縣凡領縣

七

烏程縣

附郭治府西北境

歸安縣

附郭治府東南境

長興縣

在府西北六十里

德清縣

在府南少東九十里

武康縣

在府南少西一百十里

安吉縣

在府西南一百二十里舊安吉州乾隆三十八年改為縣

孝豐縣

在府西南九十里

寧波府在省治東南四百八十里東西距二百二

十四里南北距二百八里東至海一百四里西至

紹興府餘姚縣界一百二十里南至台州府寧海

縣界一百四十六里北至海六十二里越海即江

南松江府界東南至海一百十二里西南至台州  
府寧海縣界一百二十六里東北至海七十二里  
西北至紹興府餘姚縣界一百五里自府治至  
京師四千六百四十里明初為明州府洪武十四年  
改為寧波府領縣五

本朝初因之康熙二十六年增置定海縣凡領縣六

鄞縣

附郭

慈谿縣

在府西北  
五十里

奉化縣

在府西南  
八十里

鎮海縣

在府東北六十里舊為定海縣地康熙二十六年別置定海縣於舟山改故定海為

鎮海縣

象山縣

在府東南二  
百七十里

定海縣

在府東少北二百六十里舊為昌  
國廢縣康熙二十六年置定海縣

紹興府在省治東南一百三十八里東西距三百

二十里南北距二百九十里東至寧波府慈谿縣

界一百九十里西至杭州府錢塘縣界一百三十



里南至金華府東陽縣界二百五十里北至海四  
十里東南至台州府天台縣界三百里西南至杭  
州府富陽縣界一百九十二里東北至慈谿縣界  
二百二十七里西北至錢唐縣界一百二十五里  
自府治至

京師四千四百五十八里明為紹興府

本朝因之領縣八

山陰縣

附郭治  
府西境

會稽縣

附郭治  
府東境

蕭山縣

在府西北一  
百十二里

諸暨縣

在府東北一  
百八十里

餘姚縣

在府東北一  
百八十里

上虞縣

在府東一  
百二十里

嵊縣

在府東南一  
百八十里

新昌縣

在府東南二  
百二十里

台州府在省治東南五百七十七里東西距三百

七十里南北距二百五十五里東至海一百八十里西至處州府縉雲縣界一百九十里南至温州府樂清縣界一百十里北至紹興府新昌縣界一百四十五里東南至海一百九十里西南至温州府永嘉縣界二百八十里東北至寧波府象山縣界二百八十里西北至金華府東陽縣界二百七十里自府治至

京師四千七百七十八里明為台州府

本朝因之領縣六

臨海縣

附郭

黃巖縣

在府東南六十里

天台縣

在府西北九十里

仙居縣

在府西北九十里

寧海縣

在府東北一百八十里

太平縣

在府東南一百四十里

金華府在省治西南四百五十里東西距三百四

十里南北距二百里東至台州府天台縣界二百  
七十里西至衢州府龍游縣界七十里南至處州  
府縉雲縣界一百里北至嚴州府建德縣界一百  
里東南至台州府仙居縣界三百五十里西北至  
龍游縣界七十五里東北至紹興府嵊縣界二百  
五十里西北至嚴州府壽昌縣界九十五里自府  
治至

京師四千五百八十八里明初為寧越府又改為金

華府

本朝因之領縣八

金華縣

附郭

蘭谿縣

在府西北五十里

東陽縣

在府東北一百三十里

義烏縣

在府東一百一十里

永康縣

在府東南一百一十里

武義縣

在府南少東七十五里

浦江縣

在府東北  
一百十里

湯溪縣

在府西南  
五十里

衢州府在省治西南五百六十里東西距二百二

十五里南北距二百二十里東至金華府湯溪縣

界一百十里西至江西廣信府玉山縣界一百十

五里南至處州府遂昌縣界一百二十五里北至

嚴州府遂安縣界九十五里東南至遂昌縣界一

百四十里西南至福建建寧府浦城縣界一百八

十里東北至嚴州府壽昌縣界九十里西北至安

徽徽州府婺源縣界一百九十五里自府治至

京師四千六百四十里明初為龍游府尋改為衢州

府

本朝因之領縣五

西安縣

附郭

龍游縣

在府東七十里

江山縣

在府西南七十五里



常山縣

在府西  
八十里

開化縣

在府西北一  
百六十里

嚴州府在省治西南二百七十里東西距三百七

十里南北距一百七十里東至杭州府富陽縣界

一百四十里西至安徽徽州府歙縣界二百三十

里南至金華府蘭谿縣界四十里北至杭州府於

潛縣界一百三十五里東南至金華府治一百四

十五里西南至衢州府治二百里東北至杭州府

治二百七十里西北至歙縣治三百十里自府治至

京師四千四百二十八里明改為建安府後改為嚴州府

本朝因之領縣六

建德縣

附郭

淳安縣

在府西一百六十五里

桐廬縣

在府東北九十五里

遂安縣

在府西少南  
一百八十里

壽昌縣

在府西南  
九十里

分水縣

在府西北一  
百二十三里

温州府在省治東南八百九十里東西距一百六十里南北距五百里東至海七十里西至處州府青田縣界九十里南至福建福寧府霞浦縣界三百里北至台州府仙居縣界二百里東南至海一百里西南至福寧府壽寧縣界三百八十里東北

至台州府治三百里西北至處州府治三百六十里自府治至

京師四千六百九十里明為温州府領縣五

本朝因之雍正五年設同知分置玉環山地方為玉

環廳凡領縣五廳一

永嘉縣

附郭

瑞安縣

在府南八十里

樂清縣

在府東北八十里

平陽縣

在府西南一百三十里

泰順縣

在府西南三百七十里

玉環廳

在府東南海中舊名木榴山亦名木嶼明洪武時徙其民於內地其地遂虛本朝

以其地分屬溫州府之樂清台州府之太平二縣雍正五年設同知駐此專理民事仍隸於溫州府

處州府在省治南一千九十八里東西距四百九

十里南北距四百十里東至溫州府永嘉縣界二

百七十里西至福建建寧府浦城縣界二百二十

里南至溫州府泰順縣界二百三十里北至金華

府武義縣界一百八十里東南至温州府瑞安縣  
治二百八十里西南至建寧府政和縣治四百六  
十里東北至金華府永康縣治一百八十里西北  
至衢州府龍游縣治二百七十里自府治至  
京師四千五百八十里明為處州府

本朝因之領縣十

麗水縣

附郭

青田縣

在府東南一百五十里

縉雲縣

在府東北  
九十里

松陽縣

在府西一  
百二十里

遂昌縣

在府西少北  
一百八十里

龍泉縣

在府西南二  
百四十里

慶元縣

在府西南  
四百里

雲和縣

在府西南  
一百十里

宣平縣

在府西北一  
百二十里

景寧縣

在府南一  
百四十里





皇朝文獻通考卷二百七十九